

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 02-34-1159/10

I Z V J E Š T A J

Općinskog načelnika o radu općinskih službi za upravu i drugih službi za 2009.godinu

UVODNI DIO

Osnov za izradu izvještaja sadržan je u članu 98. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05). U stavu 1. člana 98. propisano je da: „organi uprave i upravne organizacije odgovorni su organu zakonodavne vlasti za zakonito, potpuno, efikasno i profesionalno obavljanje iz svoje nadležnosti“, a u stavu 3. istog člana propisana je obaveza da: „organi uprave i upravne organizacije obavezni su na zahtjev organa zakonodavne vlasti podnositi izvještaje o svom radu o stanju u odnosnoj oblasti i o izvršavanju zakona i drugih propisa“

U smislu člana 49. navedenog zakona: „općinski organi uprave su općinske službe za upravu (stav 1.). U smislu stava 2. istog člana: „općinske službe za upravu mogu se osnivati u okviru jedinstvenog općinskog organa uprave“. Odlukom Općinskog vijeća Zavidovići o organizaciji i nadležnosti organa uprave osnovan je jedinstveni općinski organ u koji su ušle sve službe za upravu i posebne službe. Općinski načelnik rukovodi svim službama za upravu i u tom pogledu ima ovlaštenja utvrđena ustavom, zakonom, statutom općine i drugim propisima (član 62. Zakona).

Zakon o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06), regulisano je u članu 22.: „načelnik dužan je da redovno informiše vijeće o ostvarivanju političke jedinice lokalne samouprave“..., a članom 46. Statuta općine Zavidovići („Službeni glasnik općine Zavidovići“, broj 5/08 i 5a/08), propisana je obaveza da: „općinski načelnik podnosi izvještaj o ostvarivanju politike općine i o svojim aktivnostima najkasnije do 31.marta tekuće godine za prethodnu kalendarsku godinu“.

Općinski organi uprave, odnosno službe za upravu i posebne službe, obavljali su poslove i zadatke koji su utvrđeni ustavom, zakonima i drugim propisima iz nadležnosti jedinica lokalne samouprave, te Programom rada Općinskog vijeća za 2009.godinu i Programom rada Općinskog načelnika za 2009.godinu. Zato će ovaj izvještaj sadržavati osnovne pokazatelje realizacije usvojenih programskih aktivnosti.

Budžet općine Zavidovići za 2009.godinu, njegova realizacija u smislu prihoda i rashoda, neće biti obuhvaćena ovim izvještajem. Izvještaj o izvršenju budžeta za prethodnu godinu bit će dostavljen Općinskom vijeću u roku iz člana 73. Zakona o budžetima u Federaciji Bosne i Hercegovine i taj izvještaj sadržavat će elemente propisane članom 74. navedenog Zakona. Prema Programu rada Općinskog vijeća Zavidovići za 2010.godinu, taj izvještaj je planiran za razmatranje u mjesecu maju tekuće godine.

Poslovi i zadaci inspekcijskog nadzora neće biti obrađeni u ovom izvještaju, jer je planirano da se taj izvještaj razmatra u martu 2010.godine na nivou Općinskog vijeća i Općinskog načelnika.

Ta je obaveza propisana članom 132. Zakona o organizaciji organa uprave u Federaciji Bosne i Hercegovine.

Stanje upravnog rješavanja u organima uprave neće biti predmet obrade u ovom izvještaju, jer je planirano da taj izvještaj razmatra Općinsko vijeće shodno članu 294. Zakona o upravnom postupku.

Na dan 01.01.2009. godine u organe uprave primljeno je 10 (deset) uposlenika, a od toga devet uposlenika u Profesionalnu vatrogasnu jedinicu i 1 (jedan) uposlenik sa srednjom stručnom spremom, što je ukupno iznosilo 122 uposlenika.

U toku 2009. godine, radni odnos je prestao za 5 (pet) uposlenika, od toga 4 (četiri) uposlenika su stekla uslove za penzionisanje, a 1 (jednom) uposleniku je prestao radni odnos smrću. Takođe, u toku 2009. godine prestao je i radni odnos za 2 (dva) pripravnika, tako da je sa 31.12.2009. godine, u organima uprave zaposleno 115 uposlenika.

Svi podaci dati su na osnovu evidencije Matične knjige zaposlenih organa uprave Općine Zavidovići koja se vodi od 1955.godine.

Obrazovna struktura u organima uprave je slijedeća: sa VSS zaposleno je 35 radnika, sa VŠS zaposleno je 8 radnika, sa SSS zaposleno je 70 radnika, sa nižom školskom spremom (KV, PK i NK) zaposleno je 7 radnika.

U toku 2009.godine zaključeno je 12 ugovora o volonterskom radu sa licima visoke stručne spreme.

U 2009.godini Agencija za državnu službu u Federaciji Bosne i Hercegovine organizovala je seminare za državne službenike u cilju edukacije državnih službenika. Ostaje problem kako i na koji način organizovati edukaciju za namještenike kojih je više od 50% zaposlenih u organima uprave.

U 2010.godini ostaje obaveza da se i namještenici stručno osposobljavaju za obavljanje poslova i zadataka svog radnog mjesta. Stručno osposobljavanje namještenika treba organizovati u okviru jedinstvenog organa uprave na osnovu programa obuke.

U 2008.godini Općina Zavidovići je u mjesecu oktobru dobila Certifikat ISO 9000-2001. Tokom 2009. godine provedene su potrebne aktivnosti, uključujući i pripreme i održavanje audita, kao i pripreme za recertifikacijski audit preme zahtjevima BAS EN SIO 9001:2008, koji će se obaviti u 2010. godini.

Privatni sektor može samostalno i u saradnji sa javnim sektorom stvarati uslove za brži razvoj poduzetništva. Postoji više razloga da se osnove javnog i privatnog sektora, odnosno njihova saradnja u tekućoj godini postavi na nove osnove. Ti razlozi su:

1. Budžetski pritisci koji zahtijevaju aktivnosti na smanjenju troškova, poboljšanom prikupljanju javnih prihoda i finansiranje izgradnje infrastrukture, pritisci građana kao potrošača za većim obimom i boljim kvalitetom javnih usluga, te pritisci koji se javljaju usljed nedovoljnih kapaciteta javnog sektora da odgovori na zahtjeve građana,

2. Projekti javnog i privatnog partnerstva su dinamično polje djelovanja. Već duže vremena se primjenjuju u raznim sektorima u velikom broju zemalja EU. Zemlje članice EU danas implementiraju na osnovu javnog i privatnog partnerstva projekte iz oblasti vodosnabdijevanja, tretman otpadnih voda, upravljanje čvrstim otpadom, održavanje javne rasvjete, zaštite okoline i druge aktivnosti.

Naveli smo dva razloga. Ima ih više. U 2009. godini odnos javnog i privatnog partnerstva bio je takav da je javni sektor (Općina Zavidovići) stvarao uslove za razvoj privatnog sektora. Kroz aktivnosti objave konkursa za dodjelu neizgrađenog gradskog građevinskog zemljišta radi građenja i na taj način su se provodili usvojeni prostorno-planski dokumenti.

Izrada prostorno-planskih dokumenata u 2009. godini je u neposrednoj vezi sa ostvarivanjem ciljeva u pogledu razvoja poduzetništva. Izradom prostorno-planskih dokumenata stvaraju se uslovi da se privatni sektor aktivno uključi u rješavanje problema kvalitetne izgradnje građevina i na taj način da se stvore uslovi za kvalitetno stanovanje i poslovno okruženje. Tako je u 2009. godini usvojeno nekoliko prostorno-planskih dokumenata, a što će biti obrađeno kroz rad Službe za upravu geodetskih, imovinsko-pravnih poslova i urbanizam.

Pored projekata koji su navedeni u službama Općinski načelnik je vodio intenzivne aktivnosti na obezbjeđenju preduslova, prije svega finansijskih, za realizaciju slijedećih projekata:

- «Izgradnja pothodnika»

Po pitanju realizacije projekta izgradnje pothodnika», Općinski načelnik je, tokom više sastanaka, obavio razgovore i dogovore sa odgovornim u JP Željeznice F BiH, a aktivnosti na pripremi tenderske procedure za izvođenje radova su u toku. Zbog specifičnosti i složenosti pomenutog projekta, u nekoliko navrata su organizovani zajednički sastanci predstavnika Općine, Projektanta i JP Željeznice Federacije BiH po pitanju usaglašavanja projektno-tehničke dokumentacije sa posebnim zahtjevima JP Željeznice F BiH. U maju 2009. godine su Općini Zavidovići doznačena sredstva u visini 200.000,00 KM od strane Federalnog ministarstva prometa i komunikacija, a očekuje se da se, nakon pribavljanja odobrenja za građenje i provođenje tenderske procedure, pristupi izvođenju radova.

- «Uređenje korita rijeke Bosne»

Na osnovu zahtjeva Općine pomenuti projekat je uvršten u Plan Agencije za vodno područje Save za 2010. godinu, pri čemu su obezbijedena sredstva u visini 200.000,00 KM. Općinski načelnik je intenzivno vodio razgovore sa predstavnicima Agencije za vodno područje rijeke Save oko definisanja naših zahtjeva i potreba koji se tretiraju tehničkom dokumentacijom. Urađena je projektno-tehnička dokumentacija na nivou glavnog projekta, a u postupku je priprema tenderske procedure za izvođenje radova na uređenju korita rijeke Bosne. Pretpostavka je da će tenderska procedura biti okončana i biti dodijeljen ugovor napovoljnijem izvođaču do juna 2010. godine, kada se očekuje početak izvođenja radova.

- «Izgradnja dječijih igrališta»

Realizovan je planirani projekat izgradnje dječijih igrališta na području užeg urbanog područja na pet lokacija, a planirana su sredstva za nastavak izgradnje na novim lokacijama u 2010. godini. Ovaj projekat predstavlja jednu novinu za grad u smislu obogaćivanja sadržaja za najmlađu populaciju i poboljšava kvalitet življenja. Tokom eksploatacije je primjećeno da najmlađa populacija koristi intenzivno novi sadržaj.

U 2009. godini na sjednici Općinskog vijeća Zavidovići usvojena je Odluka o bratimljenju Općine Zavidovići, Bosna i Hercegovina, sa Gradom BOZÜYÜK – Republika Turska. U toku 2010. godine očekuje se posjeta delegacije Grada BOZÜYÜK – Republika Turska, potpisivanje Sporazuma o bratimljenju i dogovora o neophodnim aktivnostima koje je potrebno poduzeti na realizaciji obaveza koje proizilaze iz usvojene Odluke o bratimljenju.

Općina Zavidovići je kontinuirano članica Saveza općina i gradova Federacije Bosne i Hercegovine. Načelnik općine je član Predsjedništva Skupštine Saveza općina i gradova Federacije Bosne i Hercegovine i u tom svojstvu dao je doprinos u radu Predsjedništva.

U izvještaju će se dati najosnovnije aktivnosti službi za upravu i posebnih službi za 2009. godinu.

1. SLUŽBA ZA UPRAVU EKONOMSKIH POSLOVA

Tokom 2009. godine Služba je zaprimila 6801 predmet, od čega je 5.828 upravnih predmeta, sa procentom rješavanja upravnih predmeta od 91%. Također je u 2009. izdato 4.823 uvjerenja i potvrde, na osnovu službenih evidencija.

Nakon što je Općina Zavidovići dobila certifikat o ispunjavanju zahtjeva sistema kvaliteta BAS EN ISO 9001:2000, krajem 2008. godine, tokom 2009. provedene su potrebne aktivnosti, uključujući i pripreme i održavanje audita, kao i pripreme za recertifikacijski audit prema zahtjevima BAS EN SIO 9001:2008, koji će se obaviti u 2010. godini.

Za potrebe aktivnosti bratimljenja općina Zavidovići i općine Bozuyuk (Turska), te potrebe apliciranja prema stranim donatorima, vršeno je potrebno pisano i usmeno prevođenje sa i na engleski jezik.

Tokom godine, urađeno je niz projektnih aplikacija, a najznačajnije su prikazane u tabeli

Red. br.	NAZIV PROJEKTA	TRAŽENO	ODOBRENO
1.	Izgradnja školske fiskulturne sale faza III – ODRAZ	230.000,00	U procesu odlučivanja
2.	Izgradnja dječijeg igrališta N.naselje – LEDA	20.000,00 €	20.000,00 €
3.	Uređenje izletišta LUKE – FMOiT	37.000,00 KM	10.000,00 KM
4.	Izrada LEAP-a - FMOiT	10.600,00 KM	5.000,00 KM
5.	Jačanje sektora mljekarstva kroz nabavku laktofriza – FMPSV	15.300,00 KM	937,00 KM
6.	Donatorska konferencija za poljoprivredne projekte –FMPSV	98.000,00 KM	0,00 KM
7.	Izgradnja poduzetničke infrastrukture – Ekonomija-Batvice - FMRPO	120.000,00 KM	114.000,00 KM
8.	Projekat integriranog lokalnog razvoja - UNDP	30.000,00 USD	0,00 USD
9.	Unapređenje kulturnog razumjevanja - MDG:F	70.000,00 KM	0,00 KM
10.	Izgradnja stambenih objekata za romsku populaciju – Min.za ljudska prava i izbjeglice BiH	160.000,00 KM	0,00 KM
11.	Razvoj kompetitivnih proizvodnih modela za održivu poljoprivredu – Program Seenet	50.000,00 €	79.442,33 €
12.	Kreiranje označenih eko zona za turistički razvoj BiH – EU podrška ekonomskom razvoju BiH	350.000,00 €	U procesu odlučivanja
13.	Subvencioniranje poslovnih zona – Ekonomija-batvice - Ministarstvo za privredu ZDK	18.550,00 KM	17.550,00 KM

BUDŽET

Osnovna aktivnost Službe iz ove oblasti bazirala se na izradi Prijedloga budžeta i Odluke o izvršavanju budžeta, završnog računa i Izvještaja o izvršenju budžeta, pripremi odgovarajućih informacija, te podataka i pokazatelja za Općinsko vijeće i općinskog načelnika, kao i druge organe, a prije svega nadležno kantonalno ministarstvo. Pored navedenog, svakodnevne aktivnosti bile su usmjerene na izvršavanje finansijskih transakcija, obezbjeđenje likvidnosti računa budžeta, praćenje utroška sredstava po budžetom utvrđenim stavkama, namjeni, izvorima i vrsti troška. Naročito su bile naglašene aktivnosti praćenja uredne i blagovremene naplate izvornih prihoda, te izradi rebalansa budžeta Općine Zavidovići, u cilju usaglašavanja i uravnoteženja budžetskih prihoda i rashoda.

Detaljniji podaci koji se odnose na Budžet 2009. biće prezentirani kroz Izvještaj o izvršenju budžeta Općine Zavidovići za 2009. godinu, predviđen Programom rada Općinskog vijeća za 2010. godinu.

PODUZETNIŠTVO

Polazeći od principa da lokalna vlast mora biti u funkciji biznisa, a ne prepreka njegovom razvoju, aktivnosti Službe su se usmjerile na nekoliko ključnih elemenata za stvaranje povoljnijeg poslovnog ambijenta:

- redovno su ostvarivani kontakti sa poduzetnicima i upravljačkim strukturama, razmatrane njihove inicijative, prijedlozi i sugestije

- koordinirane aktivnosti, pripremane i servisirane radionice, te prikupljeni, pripremljeni, objedinjeni i obrađeni materijali, potrebni za reviziju strategije regije Centralna Bosna, a za potrebe izrade revidirane Strategije razvoja regije Centralna Bosna, u organizaciji regionalne razvojne zajednice REZ d.o.o. Zenica.

- kontinuirana i intenzivna saradnja sa lokalnom razvojnom agencijom, koja je rezultirala nizom aktivnosti, kao što je izrada brojnih programa-aplikacija prema objavljenim javnim pozivima, te edukativne aktivnosti i radionice za potencijalne i postojeće poduzetnike i NVO, a u oblasti izrade biznis planova, pokretanja biznisa, projektnih ideja i sl.

- u kontaktima sa drugim Općinama i višim nivoima vlasti kontinuirano su traženi načini na poboljšanje efikasnosti kao i sposobnosti Službe da pruži dodatne usluge, postojeće učini što dostupnijim, a važeće procedure što jednostavnijim i kraćim, a sve u skladu sa usvojenom Politikom kvaliteta Općine Zavidovići. Navedena nastojanja se odnose na procedure izdavanja rješenja o ispunjavanju minimalnih tehničkih uslova za obavljanje obrta, kao i procedure koje su propisane u postupku regulisanja svih statusnih promjena koje se odnose na obavljanje djelatnosti građana, ovjeravanja trgovačkih knjiga, ovjeravanja autobusnih linija javnog saobraćaja itd.

Dosadašnji rezultati i praksa u stvaranju povoljnih uslova za poslovanje naših privrednih subjekata i partnerstvo sa njima obavezuje nas na još bolje organizovanje, podršku i konkretne aktivnosti u cilju otklanjanja prepreka za brži razvoj poduzetništva, a time i lokalne zajednice.

INFRASTRUKTURA

Planom kapitalnih ulaganja Vlade Zeničko-dobojskog kantona za 2009.godinu u oblasti putne infrastrukture planirana su novčana sredstva u iznosu 670.000,00 KM.

Ugovorena vrijednost radova za projekte putne infrastrukture iznosi 546.436,76 KM.

U okviru planiranih sredstava ulaze troškovi stručnog nadzora koji iznose 2,1 %, što iznosi 14.070,00 KM, tako da je od ukupno planiranih sredstava preostao iznos od 109.493,24 KM.

Upućen je zahtjev Ministarstvu za prostorno uređenje, promet i komunikacije i zaštitu okoline ZE-DO kantona da se za preostali iznos provede postupak nabavke za izvođenje dodatnih radova. Do sada su realizovani ugovori u vrijednosti 211.203,17 KM. Nastavak realizacije preostalih ugovora će uslijediti kada nastanu povoljni vremenski uvjeti-početak građevinske sezone. Bitno je napomenuti da je na dinamiku realizacije ugovorenih radova uticalo kašnjenje u donošenju Plana kapitalnih ulaganja, od strane Vlade ZE-DO kantona.

Programom utroška sredstava vodnih naknada Vlade Zeničko-dobojskog kantona za 2009.godinu u oblasti vodnih objekata planirana su novčana sredstva u iznosu 250.000,00 KM. Ugovorena vrijednost radova za vodne objekte iznosi 157.670,90 KM. Do sada su realizovani ugovori u vrijednosti 97.764,10 KM. Realizacija preostalih Ugovora je u toku.

Izostala je realizacija sljedećih projekata u oblasti vodnih objekata i to: izgradnja vodovoda Beljevnice i sistema za vodosnabdijevanje naselja Paravci, Marušići i Fojnice. Razlog izostajanja

realizacije pomenutih projekata je kašnjenje u pribavljanju odobrenja za građenje za navedene objekte (dužina trajanja postupka rješavanja imovinsko-pravnih odnosa), što je bio preduslov za pokretanje postupka dodjele ugovora o javnoj nabavci, te ponavljanje postupka nabavki zbog nedovoljnog broja prijavljenih.

Prema Planu kapitalnih ulaganja Ministarstva za obrazovanje, nauku, kulturu i sport ZE-DO kantona, realizovani su slijedeći projekti:

- Nastavak realizacije ugovora o izgradnji fiskulturne dvorane kod Gimnazije
 - Sanacija školskog objekta OŠ „Vožuća“ područna škola Slivići u vrijednosti 38.287,08 KM
 - Sanacija kotlovnice u OŠ „Hajderovići“ u vrijednosti 30.320,20 KM
 - Sanacija centralnog grijanja u OŠ „Kovači“ u vrijednosti 15.034,12 KM
- Projekti koji su realizovani sredstvima iz Općinskog Budžeta su:
- Izgradnja javne rasvjete „Dubravica“ u vrijednosti 23.762,89 KM
 - Izgradnja dijela primarne i sekundarne vodovodne mreže industrijske zone „Ekonomija-Batvice“ u vrijednosti 20.024,11 KM
 - Izgradnja dječijih igrališta na gradskom području u vrijednosti 21.141,21 KM
 - Izgradnja javne rasvjete „Ribnica“ u vrijednosti 28.784,00 KM
 - Sanacija stepeništa i pješačkih prilaza u gradu, ulice i parkinga ispred Centra za socijalni rad, u vrijednosti 25.948,45 KM
 - Rekonstrukcija lokalnog puta krivaja-Fazlići u vrijednosti 54.933,70 KM
 - Uređenje izletišta „Luke“-I faza u vrijednosti 20.690,00 KM
 - Uređenje izletišta „Luke“-II faza u vrijednosti 20.000,00 KM
 - Rekonstrukciji kolektora na dionici od ulazne kapije preduzeća GTPD «Porobić» d.o.o. Zavidovići do rijeke Bosne u vrijednosti 14.473,00 KM
 - Sanacija sanitarnih čvorova u upravnoj zgradi općine Zavidovići-II sprat, u vrijednosti 22.412,90 KM
 - Asfaltiranje igrališta u Rujnici u vrijednosti cca 22.530,18 KM
 - Nabavka materijala za rasvjetu Krčevine u vrijednosti 8.347,26 KM
 - Izrada horizontalne signalizacije u gradu u vrijednosti 6.592,61 KM
 - Nabavka materijala za vodovod Čauševac u MZ Brezik i za vodovod Mednjik u MZ Rujnica u vrijednosti 8.973,64 KM
 - Presvlačenje kolovoza ulice 14. April u vrijednosti 6.669,00 KM
 - Uređenje mezarja „Potklečje“ u vrijednosti 6.951,18 KM
 - Sanacija javne česme Gornja mahala u vrijednosti 4.344,00 KM
 - Izgradnja prilazne rampe za invalide na pješačkom mostu u vrijednosti 7.009,97 KM
 - Dovršetak bazena Crnjevo u vrijednosti 6.936,60 KM
 - Nabavka materijala za sanaciju mosta Kućice u vrijednosti 21.194,00 KM
 - Nabavka materijala za kanalizaciju „Alići“ u vrijednosti 9.500,40 KM
 - Nabavka materijala za vodovod Skroze u vrijednosti 5.408,94 KM
- Donatorske organizacije su finansirale sljedeće projekte:
- Izgradnja košarkaškog igrališta u Novom Naselju u vrijednosti cca 55.000,00 KM (sredstva LEDA-e u iznosu 40.000,00 KM, sredstva Općine u iznosu 10.000,00 KM, sredstva MZ u iznosu 5.000,00 KM)
 - Izgradnja dječijeg igrališta u Dolovima (sredstva LEDA-e u iznosu cca 10.000,00 KM)
- Za sve projekte finansirane javnim sredstvima provedena je procedura dodjele ugovora o javnoj nabavci u skladu sa Zakonom o javnim nabavkama Bosne i Hercegovine.

POLJOPRIVREDA

Aktivnosti u oblasti poljoprivrede su se fokusirale na savjetodavno-stručnu pomoć svim zainteresovanim poljoprivrednicima, što je rezultiralo značajnijim brojem uspješnih zahtjeva za ostvarenje poticaja na kantonalnom i federalnom nivou. Također su vođene aktivnosti na informisanju i poticanju stanovnika ruralnih dijelova općine da svoja gazdinstva registruju u Registar poljoprivrednih gazdinstava, te vršena registracija, kao i konsultacije i usaglašavanje sa nadležnim Federalnim ministarstvom. Tokom 2009. godine realizovano je 116.359,37 KM iz Budžeta općine, za poticaje: sjetva pšenice, sjetva kukuruza, proizvodnja konzumnih jaja, držanje muznih grla, te za podsticaje PZ «Malinar» i UG «Pčelar», o čemu je dostavljen detaljan izvještaj Općinskom vijeću.

Posredstvom Službe, uz upute i pomoć u popunjavanju obrazaca, proslijeđeno je ukupno 95 zahtjeva za dodjelu poticaja, i to:

- 26 za kantonalne podsticaje
 - podrška proizvodnji strnih žitarica 5
 - za uzgojenu steonu junicu 17
 - za proizvodnju u plastenicima 1
 - za nabavku sistema za navodnjavanje 1
 - za kultivaciju zemljišta 4
 - za nabavku plastenika 3
 - za nabavku mehanizacije 1
 - za proizvodnju maline 1
 - farmama za proizvodnju mlijeka 3
- 59 za federalne poticaje
 - podsticaj za tov junadi 10
 - podsticaj za osnovno stado ovaca 5
 - podsticaj za pčelarstvo 44

EKOLOGIJA

U oblasti ekologije većina aktivnosti se vodila u okviru referata za zaštitu okoline (eko-policija). Terenskim obilascima pokriven je veći dio općine Zavidovići, naročito urbani dijelovi grada, ali i slivovi rijeka Krivaja i Gostović (bliži i dalji). Kao i ranijih godina, povodom "1. maja" u izletištu Kamenica sa volonterima UG SNIK «Atom» vršena je naplata ekološke naknade u izletištu Kamenica. Ponovo su sva prikupljena sredstva iskorištena u svrhu čišćenja površina ovog izletišta, odnosno prikupljanje i odvoz smeća sa šireg lokaliteta Kamenice, na deponiju Ekonomija.

U skladu sa nalogima za rad JKP «Radnik» d.o.o. Zavidovići, redovno (svakim danom i subotom) vršena je kontrola, nadzor, kao i koordiniranje održavanja komunalne higijene u gradu (suho čišćenje gradskih ulica, pražnjenje kontejnera i urednost istih lokacija, održavanje parkova i spomenika, javnih i zelenih površina, uređenje cvijetnjaka, košenje trave, uklanjanje suvišnih drvenolikih i grmastih korova i grana na javnom zelenilu i dr.), te pražnjenja i urednosti kontejnera uz rijeke Gostović i Krivaju, naselju Dolovi i izletištu Kamenica. Također je vršena koordinacija dekorisanja grada iluminacijskim dekorativnim elementima povodom praznika, a u saradnji sa Službom za upravu civilne zaštite.

Pokrenuta je inicijativa i vršen nadzor radova na uređenju mezarja «Flos» i «Žigića greblje», koordinirani i nadzirani radovi pripreme zemljišta i sađenje sezonskog cvijeća i trajnica u užem urbanom području. Također je uzeto aktivno učešće, sa ALD Zavidovići, Cooperative «ERICA» i JKP «Radnik» u realizaciji pilot projekta selektivnog prikupljanja otpada u Ul. Gazija.

- 210 -

Programom utroška sredstava iz fonda za zaštitu čovjekove okoline realizovana su namjenska sredstva koja je doznačio Kanton, u iznosu od 63.881,67, kako slijedi:

- MZ „Klek“ za uređenje mezarja „Flos“ u iznosu od 400,00 KM
- MZ „A.Čamdžić“ za uređenje mezarja u iznosu od 400,00 KM
- JKP „Radnik“ u ukupnom iznosu od 3.887,26 KM i to za odlaganje smeća na deponiju iz mjesnih zajednica u iznosu od 2.500,00 KM i 1.387,26 KM za regulaciju odvodnje u ul. Česme
- Gradnja -1 Tešanj za izvođenja radova na izgradnji kanalizacije u naselju u Potklečju u iznosu od 1.872,00 KM
- TR „Sara“ za nabavku vreća za smeće za ekološku akciju čišćenja u Kamenici u iznosu od 200,00 KM
- Asocijacija organskih proizvođača bilja i jagodičastog voća za manifestacija u sklopu „Ljeta u gradu“; u iznosu od 600,00 KM
- UG „Sportski ribolovci“ u ukupnom iznosu od 4.119,00 KM Zavidovići, a od toga za čišćenje obala rijeke Bosne 3.500,00 KM i 619,00 KM po planu i programu
- SNIK „Atom“ za ekološke aktivnosti u Kamenici za 1.maj u iznosu od 350,00 KM
- MZ „Branioci grada“ za uređenje groblja u naselju Biljačić u iznosu od 500,00 KM
- MZ „D. Gostović“ za ucjevljenje potoka u Poljicama u iznosu od 800,00 KM
- MZ „Dolina-Alići“ za betonske kanalizacione cijevi u iznosu od 3.000,00 KM
- MZ „Kovači“ za sanaciju puta i izgradnju kanalizacije u D. Mustajbašićima u iznosu od 1.500,00 KM
- „Pero“ Zenica za kanalizacione cijevi u MZ „Dolina-Alići“ u iznosu od 2.000,40 KM
- „Nova trgovina-S“ Kakanj za nabavku i isporuku kanalizacionih cijevi za kanalizaciju u naselju Vučjak u iznosu od 982,80 KM
- MZ „Gostović“ za nabavku betonskih cijevi za regulaciju potoka uz nekategorisani put u naselju G.Borovnica u iznosu od 500,00 KM
- GP „Heldovac“ doo Žepče za izvođenje radova na izgradnji kanalizacije „Mećevići“ u MZ „Mećevići“ u iznosu od 3.373,21 KM
- GP „Heldovac“ doo Žepče za nabavku i isporuku materijala za vodovodnu i kanalizacionu mrežu u iznosu od 24.924,00 KM
- GTPD „Porobić“ doo Zavidovići za izvođenje radova na rekonstrukciji kolektora na dionici od ulazne kapije preduzeća GTPD „Porobić“ doo Zavidovići do rijeke Bosne u iznosu od 14.473,00KM.

TURIZAM

Obzirom da je Općina Zavidovići, Strategijom razvoja, identifikovana kao područje sa velikom turističkim potencijalom, nastavilo se sa aktivnostima koje bi u narednim godinama trebale rezultirati razvojem ove profitabilne privredne grane. Tokom 2009. godine realizovana je II faza uređenja izletišta Luke, kao i partnerstvo sa Turističkom zajednicom ZE-DO kantona pri izradi aplikacija za razvoj područja Spomenika prirode «Tajan».

NORMATIVNA DJELATNOST

Kada je u pitanju normativna djelatnost, osim redovnog rješavanja upravnih i vanupravnih predmeta, Služba je pripremila sljedeće akte:

- Odluka o izmjenama Odluke o javnom redu i miru,
- Odluka o izmjenama Odluke o organizaciji i bezbjednosti saobraćaja na cestama Općine Zavidovići,
- Odluka o izmjeni odluke o usvajanju plana privremenog zauzimanja javnih površina,

- 211 -

- Odluka o izmjenama Odluke o plaćanju naknade za korištenje gradskog građevinskog zemljišta,
- Odluka o pristupanju prodaje montažnih elemenata na lokalitetu «Omladinsko naselje»,
- Odluka o izmjenama i dopunama odluke o usklađivanju stausa JP «Veterinarska stanica Zavidovići» sa Zakonom o javnim preduzećim i Zakonom o privrednim društvima,
- Rad na izradi Odluke o vrijednosti boda za utvrđivanje obaveze plaćanja komunalne naknade sa izradom finansijske analize,
- Pravilnik o formiranju komisije i kriterija za dodjelu stanova na kojima su davaoci stana na korištenje bili privatizirana preduzeća,
- Pravilnik o davanju javnih parkirališta na korištenje,
- Odluka o izmjenama i dopunama odluke o općinskim daministrativnim taksama,
- Prijedlog Odluke o kalkulativnim parametrima,
- Prijedlog Odluke o standardima komunalnih usluga,
- Odluka o davanju saglasnosti na program utroška sredstava
- Odluka o dodjeli laktofriza,
- Odluka o izmjeni i dopuni odluke o selekcioniranju otpada,

INSPEKCIJE

Detaljni izvještaj o radu inspekcija obrađen je u Informaciji o radu inspekcija u 2009. godini, predviđenoj Programom rada Općinskog vijeća za 2010. godinu.

2. SLUŽBA ZA UPRAVU DRUŠTVENIH DJELATNOSTI I OPĆU UPRAVU

U prilogu akta dostavljamo Vam sažetu verziju Izvještaja o radu Službe za upravu društvenih djelatnosti opću upravu za 2009. godinu.

Obrazovanje

Prema Zakonu o srednjoj i osnovnoj školi nadležnosti Općine se ostvaruje kroz podršku poboljšanja materijalne osnove rada, planiranje upisa učenika, stipendiranje studenata, stimulisanje nadarenih učenika i studenata i saradnju sa školama u cilju ispunjenja uloge škola u društvenoj zajednici. Putem projekta Inkluzije općina je finansirala nekoliko projekata u osnovnim školama u iznosu od 6.000,00 KM, ostvarila je svoju obavezu u pogledu nabavke energenata, nastavila sa pomoći izgradnje školske sale za Gimnaju i SSŠ, rješavala problem grijanja u školama Kovači i Vožuća. Općina je obezbijedila sredstva za stipendiranje studenata u iznosu od 27.000,00 KM – isplaćeno 13.600,00 KM - 17 studenata po 800,00 KM, za nadarene studente predviđeno i utrošeno 4.000,00 KM – 8 studenata po 500,00 KM, sprovela Konkurs za stipendiranje Ministarstva za obrazovanje, nauku, kulturu i sport – 165 studenata iznos 115.500,00 KM po 700,00 KM i Ministarstva za boračku zaštitu - 140 stipednija u ukupnom iznosu od 148.800,00 KM. Stipendijama u 2009. godini obuhvaćeno je 330 studenata. U cilju stimulisanja učenika osnovnih i srednjih škola izdvojena su sredstva za učenike generacije u iznosu od 3.000,00 KM, a za takmičenje učenika 750 KM. Općina je organizovala aktivnosti na promjeni strukture plana upisa učenika u srednje škole. Škole su bile uključene u značajne društvene događaje i aktivnosti.

- 212 -

Socijalna zaštita

Budžetom općine Zavidovići u 2009. godini finansirani su: rad Centra za socijalni rad u iznosu od 190.000,00 KM, stalne i povremene socijalne pomoći (stalne pomoći – 121 korisnik, povremene pomoći do 200 KM – 59 korisnika). Nivo finansiranja socijalne zaštite zadržao je prošlogodišnji nivo dok se svi vidovi socijalne zaštite koji se finansiraju iz Kantona umanjeno za 10%. Ukupno je za socijalnu zaštitu izdvojeno 85.000,00 KM. Pored navedenih ostvareni su i posebni oblici zaštite penzionera; pomoć za nabavke lijekova i plaćanje specijalističkih pregleda 45.000,00 KM. Ostvareni su redovni oblici socijalne zaštite u oblasti mrtvozorstva, pomoć pacijenata za prevoz na hemodijalizu i transfer za stambeno zbrinjavanje socijalne kategorije 30.000,00 KM. Kroz projekte Inkluzije i finansiranje Dnevnog centra u Maglaju pomoć je pružena licima sa posebnim potrebama u iznosu (6.000,00 Inkluzija i 24.000,00 Dnevni centar.) Putem Merhametove javne kuhinje pružana je pomoć najugroženijim kategorijama u iznosu od 25.000,00 KM. Općina je podržavala brojne akcije donatora i humanitarnih organizacija «Veliki napredak», «Leda», Crveni križ i drugih. Ukupna nivo finansiranja socijalne zaštite iznosi 400.000,00 KM. Pored ovoga treba istaći pomoć u finansiranju UG socijalne sfere i paraplegičari, slijepi, gluvi i nagluvi, UG «Budućnost», UG starih i iznemoglih i pomoć brojnim humanitarnim akcijama.

Posebno ističemo pomoć za stambenom zbrinjavanju Roma, uređenje komunalne infrastrukture u Dolovima, adaptacija 6 stanova u ulici Novo Naselje, te izgradnja igrališta za djecu u Novom naselju i drugo.

Zdravstvo

U oblasti zdravstva finansira se: troškovi investicionog održavanja 5.000,00 KM, prevoz pacijenata na hemodijalizu 4.800,00 KM, utvrđivanje smrti lica izvan zdravstvene ustanove 7.000,00 KM, pomoć penzionerima za specijalističke preglede 35.000,00 KM. Općinsko vijeće je u cilju uvođenja projekta porodične medicine dodijelilo na korištenje zgradu starog «Dječijeg vrtića». Posebno ističemo doprinos Općine podršci dobrovoljnog davalatstva krvi kao najuspješnije aktivnosti na ZDK u ovoj oblasti.

Pravna pomoć građanima

Pružena pravna pomoć po zahtjevima stranaka u pismenom obliku i to: 306 žalbi, 66 tužbi, 81 zahtjev, 41 ugovora, 4 molbe, 61 prijedlog, 5 prijava, 4 urgencija, 283 usmeni savjeti stranke, 59 prigovora, 8 opomena pred tužbu, 10 odgovor na tužbu i 225 vjenčanja. Ukupno pružena usluga 928 stranaka i 225 vjenčanja.

Oblast kulture

- JU «Centar za kulturu»

U toku 2009. godine nastavljene su aktivnosti osnivača na finansijskoj konsolidaciji i normativnom uređivanju Javne ustanove: uplata planiranih budžetskih sredstava u iznosu od za deblokadu žiro-računa, redovne uplatu planiranih budžetskih sredstava za redovne djelatnosti i programske kulturne sadržaje Ustanove i davanje saglasnosti na Pravila Javne ustanove. U aprilu mjesecu 2009.godine, zbog odlaska dotadašnjeg direktora na novu dužnost, došlo je do izbora novog direktora, koji je strukom neposredno vezan za oblast kulture i kulturnog stvaralaštva, što je, uz stabilizaciju finansijske situacije, dovelo do oživljavanja novih kulturnih sadržaja u radu Javne ustanove: brojne pozorišne predstave, okupljanje mladih zavidovičkih glumaca u pozorišnu grupu «Centra za kulturu», pokretanje rada muzičke sekcije, škole glume, te izdavanje lista «ZAN».

- JU «Javna biblioteka»

Obezbeđivanje stalnih budžetskih sredstava preko Transfera za JU «Javna biblioteka» u Budžetu za 2009.godinu, omogućilo je dalje obogaćivanje knjižnog fonda Biblioteke u skladu sa potrebama građana općine i unaprjeđivanje rada Zavičajne zbirke pri Javnoj ustanovi. Nastavljena je aktivnost Javne ustanove na uređivanju i evidentiranju postojećeg knjižnog fonda unutar informacionog sistema COBISS BiH.

- Udruženja građana u oblasti kulture

Na području općine djeluju: KUD «Krivaja», DLU «Impresija», KBD «Zavidovići», BZK «Preporod», HKD «Napredak». U toku 2009.godine došlo je do formiranja novog Udruženja «Duga». U izvještajnoj godini otežano su obezbjeđivana sredstava za redovan rad sa Transfera za društvene organizacije i udruženja. Uspješno je kordinirana aktivnost udruženja na projektima iz kulture (manifestacije, nabavka opreme, turneje), uz plansko obezbjeđivanje sredstava po pripadajućim transferima za potrebe udruženja.

- Kulturne manifestacije

U Budžetu općine Zavidovići za 2009.godinu planirana su sredstva od 22.000,00 KM za kulturne manifestacije, što je omogućilo konkretniju finansijsku potporu udruženjima građana i javnim ustanovama iz oblasti kulture na realizaciji planiranih kulturnih manifestacija na nivou općine: «Proljeće u Zavidovićima», «Ljeto u gradu», «Raspjevana jesen», Bajramska akademija, Bajramsko sijelo, Izložbe likovnih radova zavidovićkih umjetnika i drugih manjih kulturnih manifestaciji, kao i nabavku opreme i finansiranje turneja kulturno-umjetničkih društava.

-Oblast fizičke kulture i sporta

Iz budžetskih sredstava za fizičku kulturu i sport u 2009.godini, u visini od 140.000,00 KM, finansiran je rad 20 subjekata: 3 sportska saveza, 2 društva i 15 sportskih klubova (nogomet, mali nogomet, rukomet, košarka, atletika, kajak-kanu, invalidska odbojka, šah, planinari, speleolozi, tenis, karate, rafting, ženska odbojka). U izvještajnoj godini došlo je do formiranja 3 nova sportska subjekta: Gorska služba spašavanja-Stanica Zavidovići, UŠS «Lider» i MNK «Libero». Uspješno su organizovane sportske manifestacije u 2009. godini: Izbor sportiste godine, Raftink na rjeci Krivaji, Međunarodna utrka VIVICITTA, Međunarodni turnir u sjedećoj odbojci, Mountain bike utrka «Zavidovići», Memorijal «Viktor Boban», «Čimburijada», Male olimpijske igre i Karate turnir.

- Nevladin sektor/udruženja građana

Saradnju lokalnih vlasti i nevladinog sektora u 2009.godini obilježilo je organizovanje djelovanje udruženja i nastojanje da se u praksi oživi Sporazum između Općinskog vijeća, Općinskog načelnika i nevladinih organizacija (udruženja građana) koje djeluju na području općine Zavidovići iz 2007. godine. U tom cilju formirana je informalna grupa »Mreža«. Iz budžeta općine je u izvještajnoj godini po osnovu: fizičke kulture i sporta, kulturnih manifestacija, podrške omladinskoj politici i sufinansiranja redovnog rada nevladinih i posebnih organizacija izdvojeno oko 200.000,00 KM.

Mjesne zajednice

Za finansiranje rada organa lokalne samouprave izdvojeno je 100.000,00 KM. U rješavanju pitanja rada MZ značajno se uključivala komisija Općinskog vijeća za rad sa Mjesnim zajednicama. Od aktivnosti ističemo dva bitna projekta «Analiza potreba i socijalna problematika općine Zavidovići u sarandji sa ALD» i projekat izrada «Priručnika za mjesne zajednice».

Iz redovne djelatnosti izdvajamo izrade izvještaj o radu i finansiranje MZ, Odluka o raspodjeli sredstava za rad MZ i Odluka o organizovanju izbora u Mjesnoj zajednici Gostović. Služba se uključivala u rješavanje brojnih problema iz oblasti koje pokrivaju službe iz komunalnih oblasti.

Opća uprava

U okviru djelokruga rada opće uprave obavljani su poslovi građanskih stanja u pet mjesnih ureda na području općine Zavidovići, zatim obavljanje kancelarijskog poslovanja u okviru rada pisarnice i arhive za jedinstveni općinski organ, poslovi ovjere potpisa, prepisa i rukopisa kao i rad info centra. U izvještajnom periodu pisarnica je zaprimila rad i obradila 15.185 predmeta (9253 upravna i 5932 vanupravna). Rad info centra stalno se unapređuje i u 2009. godini kreirani svi podnesci po kojima stranke pokreću ili iniciraju postupke pred organom uprave radi ostvarivanja svojih prava i pravnih interesa. Osim načela efikasnosti realizovano je i načelo ekonomičnosti u postupku jer je to oblik besplatne pravne pomoći građanjima. Izvršeno je 48.540 ovjera potpisa, prepisa i rukopisa. U mjesnim uredima pruženo je 33.439 usluga građanima iz oblasti građanskih stanja.

Izvještajni period posebno je obilježio rad na uvođenju biomertijskih pasoša. Cijelu godinu pratio je kontinuiran rad na ispunjavanju formalno-pravnih, materijalnih, kadrovskih, bezbjednosnih, informatičkih i drugih postavljenih uslova za početak provjera građanskih stanja u postupku izdavanja biometrijskih pasoša čiji je probni rad počeo 1.7.2009. godine a zvanični početak izdavanja tih dokumenta počeo je 15.10.2009. godine. Cijela aktivnost morala je biti uskladjana sa niz novih materijalnih zakonskih i podzakonskih propisa.

U ovom periodu vršena je elektronska obrada matičnih podataka u cilju uspostavljanja elektronske evidencije građanskih stanja, što je takodje jedan od naših zadataka iz Mape puta Savjeta ministara BiH.

Jedinstvena pisarnica sačinila je Izvještaj o rješavanju upravnih stvari u upravnom postupku u općinskim organima i službama za upravu Općine Zavidovići u 2009. godini prema kojem je u 2009. godini zaprimljeno u rad 9253 upravna predmeta od kojih je riješeno 8016 upravnih predmeta, ili 86,63% od ukupnog broja zaprimljenih predmeta a neriješeno je ostalo 1237 upravna predmeta ili 13,37% od ukupnog broja. U 2009. godini povećan je obim upravnog rješavanja u odnosu na 2008. godinu tako što je u 2009. godini zaprimljeno u rad 9253 upravna predmeta a u 2008. godini 9167 upravnih predmeta. Takođe je u 2009. godini povećan i broj riješenih upravnih predmeta u odnosu na 2008. godinu za 1603 upravna predmeta

Zajednički poslovi

U okvirima nadležnosti i postavljenim zahtjevima poduzimane su organizacione i druge aktivnosti u cilju stvaranja uslova za rad počev od obezbjeđenja funkcionisanja uređaja i instalacija u zgradi općine do obezbjeđenja zgrade, čišćenja radnog prostora, poslova ekonomata i fotokopiranja. Obezbeđenja uslova za racionalno korištenje raspoloživih motornih vozila, telefonske centrale i kontrole ulaza i izlaza kroz izvještaje operatera video nadzora i bezkontaktnih kartica.

Ostvarena je kvalitetna saradnja sa pružaocima usluga van zgrade, pripremani su javni pozivi i tenderska dokumentacija i rađeni su i drugi naloženi poslovi vezani za zaštitu imovine i funkcionalnom stvaranju uslova za rad. Vođeno je računa o imovini općine koja se nalazi u drugim prostorima. Ovim izvještajem dat je kratak sažetak rada u 2009. godini, s tim da se konstatuje da su u izvršavanju svih poslova uposleni u odjeljenju kvalitetno obavili radne zadatke bez obzira na probleme u izraženom odsustvovanju uposlenika radi bolovanja.

U okvirima mogućnosti i znanja vršene su sitne popravke u zgradi, redovno je udovoljavano zahtjevima drugih korisnika bez obzira na izražene slabosti u opremi, instalacijama i uređajima (vozila, fotokopirni aparati, starosti kompjutera, elektro, vodovodnih i instalacija centralnog grijanja). Ocjenjuje se da je, obzirom na iznesene okolnosti, ostvaren zadovoljavajući nivo vršenja usluga za ostale korisnike i stvarani su uslovi za optimalan rad ostalih službi.

3. SLUŽBA ZA UPRAVU GEODETSKIH, IMOVINSKO-PRAVNIH POSLOVA I URBANIZMA

ODSJEK ZA URBANIZAM I GEODETSKE POSLOVE

Poslovi i zadatci koji se obavljaju u okviru ovog odsjeka svrstavaju se u oblast urbanizma i građenja gdje je poslove u izvještajnom periodu obavljalo 4 izvršioaca (zajedno sa šefom odsjeka) i oblast geodetskih poslova gdje je poslove u izvještajnom periodu obavljalo 3 izvršilaca.

I OBLAST GEODETSKIH POSLOVA

Poslovi i zadaci koji se odnose na geodetske poslove obavljani su prema zahtjevima korisnika usluga i odnose se na sljedeće poslove i zadatke koji su završeni : cijepanje parcela 115 predmeta, izradu kopija katastarskog plana 452 predmeta, uplana objekata 19 predmeta, dioba 18 predmeta, identifikacija 22 predmeta, iskolčenje objekta 10 predmeta, ukupnjavanje posjeda 2 predmeta.

Od ukupno zaprimljenih predmeta 743 nije riješeno 14 zahtjeva i isti su u postupku rješavanja.

Predmeti koji su rješavani u oblasti katastra zaprimljeni su i arhivirani u okviru pisarnice katastra koja se vodi odvojeno od pisarnice ostalih općinskih službi.

Pored poslova po zahtjevu stranaka vršeni su poslovi uspostave eksproprijacionog pojasa za put Mustajbašići-Vikovići i put Zavidovići-Kamenica, poslovi pripreme geodetskih podloga za izradu i provođenje Regulacionih planova, parcelacija i ažuriranje geodetskih podloga u krugu I.P. "Krivaja". Rad na vještačenjima za potrebe pravobranilaštva i vršenje geodetskih poslova za potrebe ostalih službi općine Zavidovići.

II OBLAST URBANIZMA I GRAĐENJA

Poslovi i zadatci koji se odnose na oblast urbanizma obavljani su prema zahtjevima korisnika usluga i odnose se na sljedeće poslove i zadatke: izdavanje rješenja o urbanističkoj saglasnosti 269 predmeta, izdavanje odobrenja za građenje, tehničkih prijema i odobrenja za raskopavanje javnih gradskih površina, legalizacije 319 predmeta, izdavanje mišljenja za cijepanje, određivanje zemljišta za redovnu upotrebu zgrada, saglasnosti za privremeno priključenje na elekt. energ. mrežu, tenderi, inicijative za izmjenu planova, razna uvjerenja, potvrde i slično 157 predmeta. Iz prethodnih godina riješeno je ukupno 98 predmeta. U postupku rješavanja je 180 predmet za koje se pribavljaju potrebne saglasnosti od podnosilaca zahtjeva ili drugih nadležnih organa i rads komisije za legalizaciju.

Pored rješavanja po zahtjevu korisnika usluga obavljani su i ostali poslovi koji se odnose na pripremu programa, unapređivanje procesa rješavanja predmeta, izrada digitalnih podloga, zone grada, karta ulica i karta urbanih područja.

U okviru odsjeka pripremljene su sljedeće odluke koje su usvojene na sjednicama Općinskog vijeća za koje je u okviru rada odsjeka provedena izrada , javna rasprava i konačno donošenje prijedloga :

- 216 -

- Prednacrt Odluka o zmjenama i dopunama Regulacionog plana „Luke“ Zavidovići,
- Prednacrt Odluka o zmjenama i dopunama Regulacionog plana „Centar III“ Zavidovići,
- Nacrt Odluka o zmjenama i dopunama Regulacionog plana „Luke“ Zavidovići,
- Nacrt Odluka o zmjenama i dopunama Regulacionog plana „Centar III“ Zavidovići,
- Nacrt Odluke o usvajanju izmjena, dopuna Regulacionog plana „Centar I“ Zavidovići.
- Odluka o usvajanju izmjena, dopuna Regulacionog plana „Centar I“ Zavidovići.
- Odluka o usvajanju Plana privremenog zauzimanja javne gradske površine

Tokom rada u 2009. godini evidentni su bili nedostaci uzrokovani djelomično rješenom sistematizacijom, nedostatkom opreme, te unutrašnji organizacioni i tehnički nedostaci o čemu je neophodno voditi računa za još uspješniji rad u narednom periodu.

Sastavni dio izvještaja čini tabelarni prikaz rješavanja predmeta u odsjeku za urbanizam i geodetske poslove.

ODSJEK ZA IMOVINSKO PRAVNE POSLOVE

U izvještajnom periodu u Odsjeku za imovinsko pravne poslove radilo je ukupno 6 izvršilaca. Ovaj izvještaj prikazan je kroz referate unutar odsjeka i to kako slijedi:

1. Referat imovinsko pravnih poslova

Na referatu imovinsko pravnih poslova radila su 4 izvršioca; šef odsjeka, stručni saradnik za pravna pitanja, samostalni referent i geometar. Na ovom referatu u 2009. godini zaprimljeno je putem pisarnice općine Zavidovići ukupno 1802 predmeta, od čega je 1493 upravna i 309 vanupravna predmeta.

Od 1802 zaprimljenih predmeta putem pisarnice u 2009 godini:

- a) riješeno i arhivirano je 1561 predmeta od čega 1313 upravna i 248 vanupravna predmeta, što procentualno iznosi 87 % .
- b) riješeno nearhivirano je 87 predmeta od čega 62 upravna predmeta i 25 vanupravna predmeta, što procentualno iznosi 5 %.
- c) neriješenih je 154 predmeta od čega 118 upravna i 36 vanupravna predmeta, što procentualno iznosi 8 %, a što je sve prikazano u tabeli kako slijedi:

Godina	a) Zaprimljeno ukupno 1802 predmeta		b) Riješeni arhivirani- 1561		c) Riješeni nearhivirani 87		d) Neriješeni 154		Ukupno (b+c+d)
	UP	VUP	UP	VUP	UP	VUP	UP	VUP	
2009	1493	309	1313	248	62	25	118	36	1802

Napominjemo da se najveći broj od neriješenih 118 upravnih predmeta iz 2009. godine odnosi na postupke nepotpune eksproprijacije za koje su u mjesecu januaru zakazane usmene rasprave i na postupke potpune eksproprijacije gdje je potrebno izvršiti prethodne radnje- snimalje eksproprijacionog pojasa kako bi se stvorili uslovi za rješavanje i tih predmeta.

Osim rada na zaprimljenim predmetima iz 2009. godine u izvještajnom periodu odsjek je radio i na rješavanju predmeta iz ranijih godina, a što je sve prikazano u tabeli kako slijedi:

godina	Riješeni arhivirani		UKUPNO
	UP	VUP	
2004	1		1
2005	2		2
2006	2		2
2007	4		4
2008	205	15	220
UKUPNO	211	15	229

Ovdje je potrebno napomenuti da je ovaj odsjek u 2009. godini prioritarno radio na provođenju postupaka nepotpune eksproprijacije- ustanovljenja prava služnosti za izgradnju vodovoda «Lijevča-Davulije», «Paravci, Marušići, Fojnica i Prnjavor», «Beljevnica» i «Bijeli potok» javne rasvjete «Krčavine», «Ribnica» i «Granje-Kruščice» i elektro mreže «Vikovići», «Dolac» i «Borovnica», a sve u svrhu realizacije projekata kapitalnih ulaganja za 2009. godinu, a u kojim postupcima je trebalo održati usmene rasprave i u svojstvu stranaka saslušati više od hiljadu vlasnika nekretnina.

U 2009. godini u odsjeku je također rađeno na dodjeli neizgrađenog gradskog građevinskog zemljišta na korištenje radi građenja poslovnih objekata po kom osnovu je u budžet općine na ime naknada za dodijeljeno zemljište ubrano oko pola miliona KM.

Odsjek za imovinsko pravne poslove u okviru svoje nadležnosti odnosno svojih poslova i radnih zadataka prilikom rješavanja predmeta primjenjuje veći broj zakonskih propisa kao što su: Zakon o građevinskom zemljištu, Zakon o eksproprijaciji, Zakon o uzurpacijama, Zakon o svojini na dijelovima zgrada, Zakon o prometu nepokretnosti, Zakon o premjeru i katastru zemljišta, Zakon o vlasničko pravnim odnosima i dr. Pored ovih propisa primjenjuju su i drugi kantonalni i općinski propisi.

Shodno prednjem, referat imovinsko pravnih poslova obuhvata rješavanje najsloženijih upravnih predmeta, koji su najčešće dvostranački upravni predmeti i čije rješavanje zahtijeva duži vremenski period jer podrazumijevaju provođenje posebnog ispitnog postupka, uključujući obavezni izlazak na lice mjesta, usmene rasprave, saslušanje stranaka, izvođenje raznih dokaza, te obavezno uključivanje rada geometra koji učestvuje u svim fazama postupka u smislu identifikacije nekretnina, davanja nalaza i mišljenja, geneze parcela, sačinjavanja skica lica mjesta po potrebi sačinjavanja prijavnog lista «B», a što je posebno izraženo u postupcima raspravljanja uzurpacije državnog zemljišta. Osim navedenih poslova geometar odsjeka je bio angažiran i na drugim redovnim geodetskim poslovima, te je stoga u 2010. godine izvršio 31 identifikaciju starog i novog katastarskog operata, sačinio 34 skica lica mjesta, radio na snimanju eksproprijacionog pojasa, izvršio 75 identifikacija po novom katastarskom operatu, izradio 178 kopija katastarskog plana, 45 cijepanja parcela po zahtjevu stranaka, 9 cijepanja parcela po službenoj dužnosti, 10 uplana objekata, 2 iskolčenja objekata, te 11 riješenih zahtjeva za potrebe suda, a u svrhu uspostave zemljišne knjige.

Osim rješavanja po zahtjevima stranaka odsjek je radio i sljedeće poslove:

- pripreman je veliki broj odluka i rješenja za potrebe Općinskog vijeća
- rad na izdavanju uvjerenja o stanju objekta uz terenski uviđaj

U izvještajnom periodu odsjek je pripremio 46 akata koji su upućeni na razmatranje i usvajanje Općinskom vijeću i to:

1. Odluka o utvrđivanju prosječne konačne građevinske cijene m² korisne stambene površine za 2009. godinu.
2. Odluka o utvrđivanju javnog interesa za izgradnju javne rasvjete «Krčavine» u MZ Mećevići

3. Odluka o odbijanju zahtjeva Mrkonjić Fehima za ukidanje statusa nepokretnosti u općoj upotrebi
4. Odluka o ustanovljenju prava stvarne služnosti pristupnog puta u korist građana naselja Dragovac
5. Zaključak o neprihvatanju ponude Osmanović Nešada za preuzimanje neizgrađenog gradskog građevinskog zemljišta
6. Odluka o ukidanju statusa nepokretnosti u općoj upotrebi
7. Odluka o utvrđivanju javnog interesa za izgradnju STS i NNM «Dolac I»
8. Odluka o utvrđivanju javnog interesa za izgradnju priključnog dalekovoda, STS i NNM «Vikovići»
9. Odluka o utvrđivanju javnog interesa za rekonstrukciju ulice «Ćumurana»
10. Odluka o utvrđivanju javnog interesa za izgradnju dječijeg igrališta u mjestu «Dolovi»
11. Odluka o utvrđivanju javnog interesa za izgradnju vodovoda «Paravci. Marušići, Fojnica i Prnjavor»
12. Odluka o utvrđivanju javnog interesa za izgradnju-rekonstrukciju dionice ceste «4 km-Donji Vikovići»
13. Odluka o utvrđivanju javnog interesa za rekonstrukciju ceste u Ribnici
14. Odluka o utvrđivanju javnog interesa za izgradnju javne rasvjete «Ribnica»
15. Odluka o utvrđivanju javnog interesa za rekonstrukciju ceste «Sječa» u MZ «Brezik»
16. Odluka o utvrđivanju javnog interesa za izgradnju vodovoda «Lijevoja-Davulije»
17. Odluka o utvrđivanju javnog interesa za izgradnju vodovoda «Bijeli potok» u MZ «Brezik»
18. Odluka o utvrđivanju javnog interesa za izgradnju vodovoda «Beljevnica» u MZ «Gostović»
19. Rješenje o preuzimanju neizgrađenog gradskog građevinskog zemljišta od Selimović Suada i Fuada
20. Rješenje o preuzimanju neizgrađenog gradskog građevinskog zemljišta od Bečević Izudina
21. Odluka o utvrđivanju javnog interesa za izgradnju javne rasvjete «Granje-Kruščice» u MZ «Pašin Konak»
22. Odluka o ustanovljenju prava služnosti prokopavanja kanala radi polaganja kanalizacionih cijevi u k.o. Potkleče
23. Zaključak o neprihvatanju ponude Čahtarević Kasima za preuzimanje neizgrađenog gradskog građevinskog zemljišta
24. Zaključak o neprihvatanju ponude Ribić Mirsada za preuzimanje neizgrađenog gradskog građevinskog zemljišta
25. Odluka o davanju saglasnosti na korištenje poslovne prostorije u vlasništvu općine Zavidovići
26. Rješenje o dodjeli neizgrađenog gradskog građevinskog zemljišta na korištenje radi građenja GTPD «Porobić» d.o.o. Zavidovići
27. Rješenje o dodjeli neizgrađenog gradskog građevinskog zemljišta na korištenje radi građenja Porobić Edinu
28. Rješenje o dodjeli neizgrađenog gradskog građevinskog zemljišta na korištenje radi građenja Imširović Nesimu
29. Zaključak o neprihvatanju ponude Mulabdić Dike za preuzimanje neizgrađenog gradskog građevinskog zemljišta
30. Odluka o utvrđivanju javnog interesa za izgradnju NNM «Crnjevo»
31. Odluka o utvrđivanju javnog interesa za izgradnju NNM «Bajvati I»
32. Odluka o utvrđivanju javnog interesa za izgradnju NNM «Bajvati II-Žioke»
33. Odluka o utvrđivanju javnog interesa za rekonstrukciju lokalne ceste «Zavidovići-Pašin konak»

34. Odluka o utvrđivanju javnog interesa za izgradnju javne rasvjete «Potkleče» u MZ «Klek»
35. Odluka o utvrđivanju javnog interesa za sanaciju i rekonstrukciju ceste «Potkleče-Stari vodovod»
36. Odluka o davanju na korištenje poslovne prostorije PZ «Malinar»
37. Odluka utvrđivanju javnog interesa za izgradnju STS i NNM «Mujkići»
38. Odluka utvrđivanju javnog interesa za izgradnju STS i NNM «Stavci- Stari most»
39. Odluka o ukidanju statusa nepokretnosti u općoj upotrebi u k.o. Zavidovići
40. Odluka o utvrđivanju javnog interesa za izgradnju javne rasvjete «Vučjak» u MZ «Klek»
41. Odluka o utvrđivanju javnog interesa za izgradnju NNM «Narodnog fronta» u Zavidovićima
42. Odluka o utvrđivanju javnog interesa za izgradnju NNM «Dubravica I»
43. Odluka o utvrđivanju javnog interesa za izgradnju javne rasvjete u MZ «Mećevići»
44. Odluka o utvrđivanju javnog interesa za izgradnju javne rasvjete «Gornji Mećevići»
45. Odluka o utvrđivanju javnog interesa za izgradnju vodovoda «Keseri»
46. Odluka o utvrđivanju javnog interesa za izgradnju javne rasvjete «Mahoje»

2. Referat provođenja promjena kroz katastarski operat

Na referatu radi jedan izvršilac:

U 2009. godini na ovom referatu zaprimljeno je ukupno 1457 predmet od čega 677 predmeta koji se odnose na provođenja promjena po službenoj dužnosti, a na osnovu rješenja o nasljeđivanju, presuda i drugih odluka, 205 prijavnih listova «B» na osnovu kojih se vrši provođenje tehničkih promjena i 575 ugovora o prometu nepokretnosti gdje se provođenje promjena vrši po zahtjevu stranaka. Od ukupnog broja zaprimljenih predmeta za provođenja promjena riješeno je 1449, dok je u postupku rješavanja 58 predmeta. Za 1449 riješenih predmeta sačinjeno je u katastarskom operatu 2642 stavki promjena, te su za svaku promjenu izdata rješenja o provedenoj promjeni.

3. Referat izdavanja posjedovnih listova

Na referatu radi 1 izvršilac

Izdato:

- 7879 prijepisa posjedovnih listova
- 3126 uvjerenja o imovinom stanju
- 1265 narudžbenica za izradu skica
- 59 narudžbenica za identifikaciju parcela.

Shodno navedenom izvještaju o radu, ovaj Odsjek je u ovom izvještajnom periodu postigao zadovoljavajuće rezultate koji imaju karakter uspješnog rada odsjeka odnosno Službe za upravu geodetskih, imovinsko pravnih poslova i urbanizma.

4. SLUŽBA ZA UPRAVU PITANJA BORACA, RASELJENIH LICA I IZBJEGLICA

Rad Službe za upravu pitanja boraca, raseljenih lica i izbjeglica se odvijao prema Programu rada Službe, Programu rada Općinskog načelnika Zavidovići i organa uprave za 2009.godinu, ukazanoj potrebi implementacije Zakona u saradnji sa višim nivoima vlasti te u skladu sa svakodnevno ukazanim potrebama koje nisu mogle biti predmet godišnjeg planiranja rada.

Uposlenici ove Službe su u 2009. godini, bili angažovani i u radu komisija, kao što su: Komisija za dodjelu jednokratne novčane pomoći za nabavku udžbenika u osnovnim i srednjim školama, Komisija za dodjelu stipendija studentima-braniocima i članovima njihovih porodica za studijsku 2008/2009 godinu i 2009/2010. godinu, Komisija za za stambeno zbrinjavanje branilaca i članova njihovih porodica, Komisija za javne nabavke, Komisija Federalnog Ministarstva za raseljena lica i td.

Održavani su česti sastanci sa predstavnicima boračkih udruženja u vezi redovnih aktivnosti udruženja i Službe te u vezi implementacije Zaključaka Općinskog vijeća o objedinjavanju rada branilačkih udruženja demobilisanih boraca. Po ovom pitanju Služba je pripremila dvije informacije koje su razmatrane na Kolegiju OV i sjednici Općinskog vijeća.

U skladu sa Programom rada i Odlukom o izvršavanju budžeta općine Zavidovići donešeni su Kriteriji o utrošku sredstava namijenjenih raznim vidovima pomoći branilačkoj populaciji, raseljenim licima i dr. Obrađene su i upućene u dalju proceduru dvije Informacije prema programu rada Općinskog vijeća – Informacija o stanju u oblasti boračko invalidske zaštite i Informacija o izbjeglicama, raseljenim licima i povratnicima.

U radu Komisije za utvrđivanje programa manifestacija obilježavanja značajnih datuma i događaja iz odbrambeno-oslobodilačkog rata u Općini Zavidovići učestvovala su sva udruženja i predstavnici Mjesnih zajednica. Članovi navedene komisije su obavljali poslove i zadatke u skladu sa utvrđenim Programom obilježavanja i načinom obilježavanja značajnih datuma i događaja u skladu sa Odlukom Općinskog vijeća Zavidovići te s tim u vezi provodili aktivnosti na terenu učestvujući u realizaciji programa manifestacija.

Ova Služba je i u 2009. godini provela neophodne aktivnosti vezane za održavanje i smještaj Spomen sobe za šta se redovno izdvajaju sredstava iz Budžeta općine Zavidovići.

Primjenjujući i provodeći propise Služba je pored svakodnevnih aktivnosti i korespondencije sa ostalim općinskim organima, svakodnevnog rada sa velikim brojem stranaka, bila angažovana i na stvaranju preduslova i praćenju povratka raseljenih lica u općinu Zavidovići, rješavanju pitanja alternativnog smještaja za raseljena lica koja se ne mogu vratiti u prijeratno mjesto prebivališta a nalaze se pod udarom Zakona o povratu i dodjeli stanova i provodila aktivnosti usmjerene na održivi povratak.

U 2009. godini zaprimljena su 63 zahtjeva za alternativni smještaj i urađen isti broj rješenja koji su prosljeđeni Ministarstvu za raseljena lica i izbjeglice Ze-do kantona na osnovu kojih su doznačena i sredstva. Vršeno je redovno trebovanje sredstava radi plaćanja dijela troškova struje i ostalih komunalnih usluga za zgradu «Samačka». Po svim odobrenim sredstvima vršeno je pravdanje utroška prema nadležnom Ministarstvu u saradnji sa odsjekom za budžet i finansije Općine.

Pokretanjem upravnog postupka donešeno je 6 rješenja o statusu raseljenih lica i isti su prosljeđeni Ministarstvu za rad, socijalnu politiku i izbjeglice Ze-do kantona na potvrđivanje. Provođenjem propisanih procedura donešeno je 21 rješenje o prestanku statusa raseljenog lica.

Završena je ranije započeta obnova 6 kuća i izgrađena jedna po sistemu «ključ u ruke» u saradnji sa Federalnim ministarstvom raseljenih osoba i izbjeglica te izvršeno potpisivanje ugovora i isporuka građevinskog materijala po sistemu «malih donacija» za još 6 porodica koje su se direktno obraćale Federalnom ministarstvu tokom 2007.godine i dalje. Obrađeni su zahtjevi i upućeni prijedlozi za obnovu još 4 stambene jedinice. Prijedlozi su prihvaćeni te je na osnovu toga Komisija federalnog ministarstva izlaskom na teren izvršila procjenu stepena oštećenja objekata.

Provedene su procedure objave dva Javna poziva za obnovu stambenih jedinica za lica srpske nacionalnosti (jedan u saradnji sa vladom entiteta RS i jedan u skladu sa Memorandumom o razumijevanju i saradnji Općine, Ministarstva za ljudska prava i izbjeglice BiH, Federalnog ministarstva raseljenih osoba i izbjeglica i Fonda za povratak BiH). Izvršen je odabir kandidata a implementacija se očekuje tokom 2010.godine.

Završene su aktivnosti oko implementacije jednog projekta zapošljavanja i samozapošljavanja povratnika u Vozući - dovršen je proizvodni objekat preduzeća „Di-Marketing“, povratnika Maksimović Radmile i svakodnevno se očekuje pokretanje proizvodnje. Učešće (administrativno i finansijsko) su imali: Općina, nadležno kantonalno i federalno Ministarstvo.

U saradnji sa elektrodistribucijom Zavidovići urađena je i Ministarstvu za ljudska prava i izbjeglice BiH upućena aplikacija za elektrifikaciju povratničkih naselja i individualnih stambenih objekata povratnika. Vrijednost ovog projekta za kojeg očekujemo odobravanje u 2010.godini je 1.009.500,00 KM.

Na poziv Radio Zavidovića realizovana je radio emisija na temu povratka izbjeglih i raseljenih osoba uz pojašnjavanje propisa iz ove oblasti i njihove primjene kako bi se dodatno podstakao proces povratka sa i na područje općine Zavidovići.

U vezi korištenja prava na porodičnu i ličnu invalidninu (osnovna prava), po više osnova donešeno je 559 rješenja. Izvršen je prijenos 17 predmeta porodične invalidnine nadležnim Službama drugih općina uz izradu i dostavljanje likvidacionih i matičnih kartona a zaprimljena su 3 spisa predmeta porodične invalidnine u nadležnost ovoj Službi.

Prema zahtjevima za korištenje dopunskih prava iz oblasti boračko-invalidske zaštite donešeno je 560 rješenja (zdravstveno osiguranje, pomoći, BFL i td.)

Uređena, kompletirana i drugostepenom organu su dostavljena ukupno 273 spisa porodične invalidnine, zbog vršenja revizije rješenja.

U vanupravnom postupku, prema zahtjevima stranaka donešena su 102 akta (zaključci, obavještenja i dr.) koji se uglavnom odnose na odobravanje pomoći iz Općinskog budžeta. U ovaj broj vanupravnih predmeta nisu uračunati mnogi koji su dostavljani u nadležnost Službi od strane ostalih Službi, Načelnika ili drugih institucija i ustanova.

Na zahtjev stranaka ili institucija izdato je ukupno 4.470 uvjerenja (član 169. i 170. ZUP-a).

Okončana je konkursna procedura za dodjelu stipendija u studijskoj 2008/2009.godini potpisivanjem ugovora sa 140 studenata te krajem godine pokrenuta konkursna procedura dodjele stipendija za studijsku 2009/10.godinu po čemu je pristiglo 256 prijava (upravno rješavanje).

Provedena je procedura Javnog oglasa za odobravanje pomoći u nabavci udžbenika za školsku 2009/10 godinu pri čemu je primljeno 516 prijava od čega je za 208 pozitivno riješeno.

Izvršeno je 12 obračuna ličnih i porodičnih invalidnina za 1.605 korisnika (broj korisnika u decembru) u ukupnom iznosu od 4.773.927,66 KM na nivou godine. U saradnji sa Federalnim ministarstvom se svaka tri mjeseca vršila kontrola pasivnih računa. S tim u vezi izvršeno je sređivanje i arhiviranje svih mjesečnih isplata počev od 1994.godine. Ustanovljena je i sređena kancelarijska arhiva čuvanja rješenja porodičnih i ličnih invalidnina za 1.800 korisnika (nekima je prestalo pravo) radi dokaza o načinu obračuna i isplate što podliježe povremenoj kontroli Federalnog inspektorata. Izvršeno je provođenje 126 sudskih i administrativnih zabrana na lične i porodične invalidnine.

Uposleni u službi su po raznim pitanjima vršili prijem stranaka čiji se broj kreće oko 300 mjesečno. U rješavanju po upravnim predmetima upućeno je 100 pismenih poziva strankama. Na zapisnik je uzeto 199 izjava stranaka. U toku rješavanja po predmetima upućeno je oko 200 dopisa prema drugim subjektima (obavještenja, zahtjevi za dostave podataka, traženje podataka iz matičnih evidencija općina u RS, i td.).

Tokom 2009.godine pokrenuta je aktivnost formiranja baze matičnih kartona korisnika lične i porodične invalidnine uz svojeručno popunjavanje obrazaca od strane korisnika i davanjem izjava na osnovu čega se vrši kompletiranje kartona i unos u računar. Ova aktivnost treba biti okončana tokom 2010.godine.

Bitna aktivnost u radu Službe je bila i stalno praćenje izmjena propisa iz oblasti boračko-invalidske zaštite, raseljenih lica i izbjeglica čiju primjenu očekujemo u narednom periodu za šta se vrše neophodne stručne i administrativne pripreme.

5. SLUŽBA ZA UPRAVU CIVILNE ZAŠTITE

Civilna zaštita (CZ) je oblik pripremanja i sudjelovanja svih nosilaca poslova i zadataka zaštite i spašavanja. Civilna zaštita obuhvata planiranje, organiziranje, obučavanje, osposobljavanje i usavršavanje, programiranje, provođenje, nadzor i finansiranje aktivnosti, nabavku opreme i sredstava i provođenje mjera prevencije, pripravnosti i zaštite i spašavanja od prirodnih i drugih nesreća, s ciljem sprječavanja opasnosti, smanjenja broja nesreća i žrtava, te otklanjanje i ublažavanje štetnih djelovanja i posljedica prirodnih i drugih nesreća. Izvještaj o radu Službe za upravu civilne zaštite za 2009. godinu rađen je na osnovu Programa rada Službe, Programa rada Općinskog načelnika i Programa rada Općinskog vijeća Zavidovići.

Prema Pravilniku o unutrašnjoj organizaciji jedinstvenog Općinskog organa uprave i posebnih službi općine Zavidovići („Službeni glasnik općine Zavidovići“, broj 6/05, 1/06, 12/06, 11/07, 7/08, 9/08 i 11/09), Služba za upravu civilne zaštite poslove iz svoje nadležnosti obavlja preko dvije organizacione jedinice i to:

- Odsjeka civilne zaštite
- Profesionalne vatrogasne jedinice.

U službi je ukupno sistematizovano 12 radnih mjesta sa ukupno 27 izvršilaca. Trenutno u službi radi 25 izvršilaca jer su dva izvršioca penzionisana u toku 2009. godine.

Radeći na poslovima i radnim zadacima državni službenici i namještenici u Službi za upravu civilne zaštite su izvršavali zadatke koji su za općinski nivo vlasti propisani Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj 39/03 i 22/06) i Zakona o zaštiti od požara Zeničko – dobojskog kantona („Službene novine Zeničko–dobojskog kantona“, broj: 4/04) i podzakonskih akata donesenih na osnovu ovih i drugih zakona.

Oblast deminiranja

Što se tiče deminiranja terena na području naše općine u 2009.godini prioritet je dat prširenju lokaliteta Dolova iz razloga bezbjednosti stanovništva Dolova i Lovnice. Treba napomenuti da smo za 2009.godinu uradili 45 prijedloga projekata deminiranja, koji su dostavljeni KU CZ Zenica i RU BH MAC-a Tuzla od kojih je urađeno sedam (7) i jedan (1) projekat je započet u 2009.godini a završiće se u 2010.godini.

U toku 2009.godine deminirano je ukupno 88282 m² površine, koje se odnose na lokalitete: D.Svinjašnica 9146 m², pruga B.Šamac-Sarajevo na 132 km 9667 m², Bazna stanica Blizna 4000 m², Blizna 10154 m², MHE Čardak 29255 m², Dolovi 12275 m² i Polja 1 i 2 Stog 13785 m².

Tokom 2009.godine u saradnji sa PU Zavidovićima i građanima prikupljeno NUS-a i MES-a po vrsti i količini kako slijedi:

NUS-a MES-a:
MUNICIJA:
MTS-a:

Ukupno : 125 komad
Ukupno: 1094 komada
Ukupno : 9 komada

Vatrogastvo

U skladu sa članom 42 Zakona o zaštiti i spašavanju ljudi materijalnih dobara od prirodnih i drugih nesreća, a na osnovu vremenskih nepogoda tokom ljetnih mjeseci (visokih temperatura i suše) na teritoriji naše općine preduzeto je niz mjera na preventivnom djelovanju. Pored medijskog obraćanja i upozorenja stanovništvu kontaktirane su i strukture Civilne zaštite po Mjesnim zajednicama kao i sa institucijama i ustanovama. Imajući sve navedeno u vidu u prošloj godini nismo imali ni jedan požar većih razmjera.

Općinska profesionalna vatrogasna jedinica je u proteklom periodu imala sljedeće intervencije:

Na građevinama dvadesetdvije (22) vatrogasne intervencije i to: pet (5) intervencija na stambenim objektima, jedanaest (11) intervencija na gospodarskim građevinama, dvije (2) intervencije na javnim građevinama i četiri (4) intervencije na građevinama u preduzećima.

Na otvorenom prostoru je bilo trideset devet (39) vatrogasnih intervencija i to: jedna (1) intervencija na šumskom požaru, sedam (7) intervencija na požarima niskog rastinja, dvadesetdevet (29) intervencija na požarima kontejnera za smeće, jedna (1) intervencija na gašenju požara sijena i jedna (1) intervencija na ostalim površinama.

Na saobraćajnom prometnom sredstvu bila je jedna (1) vatrogasna intervencija.

Što se tiče tehničkih intervencija bilo ih je devetnaest (19) i to: (3) tri intervencije otvaranje stana, (7) sedam intervencija na požarima niskog rastinja i trave, (7) sedam intervencija izlivanja vode iz vodovodnih cijevi-ispumpavanje vode, (1) jedna intervencija uklanjanja ledinica sa krova stambene zgrade, (1) jedna intervencija uklanjanja snježnog pokrivača sa krova i (6) šest intervencija u kategoriji ostalih (uklanjanje drveća i granja, čišćenje podesta na zgradi općine, pranje mašine za deminiranje, popravka na zgradi Starog vrtića i dr.).

U toku 2009 godine (21) dvadesetjedan puta je izvršen transport vode za piće, a transportovana količina vode je iznosila (43) četrdesettri cisterne zapremine po 7,0 m³ vode.

U pogledu traganja i spašavanja bilo je (1) jedna intervencija traganja i spašavanja na rijeci i (2) dvije intervencije u kategoriji ostalih (spašavanja iz stanova).

U oblasti komunalnih poslova bilo je (36) tridesetšest puta vršeno je pranje i čišćenje spomenika i fontana u gradu, dopunjavanje fontana sa vodom i sl. i (46) četrdesetšest ostalih vrsta komunalnih poslova kao što su zalijevanje cvijeća, ispitivanje mosta „Duga“, pranje mosta i sl.

Pored toga rađeni su i ostali poslovi i to: (13) trinaest puta vršeno je angažovanje pripadnika OPVJ-Zavidovići na radovima ukrašavanja grada, (2) dva puta davana je usluga sa Trokrakom Hidrauličnom Platformom-21 m, (48) četrdesetosam raznih usluga-poslova od interesa službe ili općine (intervencije u zgradi općine u pogledu struje i vode i dr) i (14)

četnaest poslova u kategoriji ostalih (demontaža klupa u Kamenici, prevoz namještaja za potrebe općine, čišćenje oko Doma culture, asistencija prilikom značajnih datuma-skokovi u vodu sa mosta, zalijevanje pomoćnog stadiona prilikom dolaska turske delegacije i dr).

Pripadnici Općinske Profesionalne Vatrogasne Jedinice - Zavidovići su u toku 2009. godine bili angažovani na poslovima preventivna dežurstva-pripravnost u jedinici (184) stotinu osamdesetčetiri puta, odnosno pojedinačnih dolazaka.

Finansiranje zaštite od požara

Kao nosilac aktivnosti na izradi rješenja za plaćanje naknade za finansiranje zaštite od požara općine Zavidovići (Općinsko vijeće Zavidovići je na 15. sjednici, održanoj dana 16.12.2005. godine donijelo Odluku o finansiranju zaštite od požara općine Zavidovići.) Služba za upravu civilne zaštite pristupila je izradi Rješenja za plaćanje naknada za finansiranje zaštite od požara svim subjektima koji podliježu toj obavezi, te je koristeći se podacima Komisije za utvrđivanje neto korisne površine i Službe za upravu ekonomskih poslova i poduzetništva izdala ukupno 630 rješenja sa ukupnim iznosom za naplatu od 45.988,59 KM.

Operativni centar

Općinski operativni centar svakodnevno vrši prikupljanje informacija o stanju na području naše općine (stanje puteva, vodosnadbijevanja, napajanja elekt. energijom, odvijanje PTT-sobraćaja, pronalaska NUS-a ili MES-a, pojava vremenskih nepogoda itd.), obradu i distribuciju podataka nadležnim organima općine i kantonalnom operativnom centru CZ, a prema potrebi i Federalnom operativnom centru CZ. Informisanje medija i građana o događajima i pojavama na području općine o svim prirodnim i drugim nesrećama na području općine. Vršen je stalni kontakt sa operativnim centrima CZ susjednih općina i sa kantonalnim operativnim centrom CZ u vezi međusobnog dostavljanja potrebnih podataka i informacija o prirodnim i drugim nesrećama i postupka po nalogima i zahtjevima kantonalnog operativnog centra CZ. Izrađeni su dokumenati za Općinski plan zaštite i spašavanja iz domena Operativnog centra Civilne zaštite, kao i elaborat Operativnog centra. Redovno se vrši ažuriranje telefonskog imenika.

Izrađene su i ažurirane geolocirane karte svih: plavnih područja, područja kontaminiranog minama, deminiranih površina, kao i mjesta pojavljivanja klizišta na području općine. Urađen je program za izradu i praćenje stanja izdatih rješenja za naplatu zaštite od požara općine Zavidovići, kao i izrada programa za izdavanje uvjerenja pripadnicima civilne zaštite za vrijeme ratnog perioda. Pored toga izvršena je izrada tabelarnog pregleda do sada prikupljenog zaostalog NUS-a i MES-a, kao i deminiranih površina na području općine. Za potrebe BH MAC-a RU Tuzla izrađivani su prijedlozi za deminiranje na standardnim obrascima i skicama. Tokom 2009. godine za potrebe deminerske čete OS BiH izrađivane su skice-karte geolociranih lokacija Polja, Smajilbašića, Dolova i Lovnice, na kojima je vršeno deminiranje. Takođe je za potrebe deminerskih organizacija „TORNADO“ Sarajevo, „BH DEMINING“ Sarajevo i „VILAKOL“ Mostar izrađena geolocirana karta dijelova Čardaka, Blizne i Viništa koja su očišćena od zaostalih mina.

Tokom godine u saradnji sa „A“ timom izvršen je izlazak na 13 lokacija radi uklanjanja zaostalog NUS-a.

Vršena je stalna provjera radio-komunikacijske opreme UKT ospega te ostvarena veoma dobra saradnja sa udruženjima građana koji posjeduju radio-komunikacijska sredstva, a naročito SNIK „ATOM“ i Radio amateri na organizaciji tradicionalnog memorijala „Viktor Boban“ i takmičenja u radio-goniometriji, kao o vježbi Gorske službe spašavanja u Kamenici.

- 225 -

Ostale aktivnosti

Pored navedenih aktivnosti Služba za upravu civilne zaštite općine Zavidovići vršila je svoje redovne aktivnosti koje obuhvataju:

Saradnja sa Turskim bataljonom i Crvenim križom općine Zavidovići, saradnja sa PU Zavidovići u vezi prikupljanja NUS-a i MES-a, saradnja sa BH MAC-om u vezi obilježavanja minskih područja i izrada projekata deminiranja, saradnja sa KU CZ Zeničko dobojskog kantona u vezi provođenja preventivnih mjera zaštite od požara, saradnja sa Udruženjem građana u oblasti vatrogastva i saradnja sa susjednim općinama (Zenica, Kakanj, Žepče, Maglaj i Tešanj).

Provođenje i primjena zakonskih propisa koji regulišu oblast zaštite i spašavanja ljudi i materijalnih dobara, implementacija i inoviranje propisa koje donosi Općinsko vijeće, organizovanje kampanje za prikupljanje municije, minsko eksplozivnih i ubojnih sredstava i opreme zaostale iz rata u skladu sa Zakonom o amnestiji za dobrovoljnu predaju navedenih sredstava, izrada godišnjeg plana nabavke i održavanja materijalno tehničkih sredstava za Službe zaštite i spašavanja, jedinica, štabova i povjerenika civilne zaštite u skladu sa Programom razvoja zaštite i spašavanja za 2009. godinu, popuna i podmlađivanje jedinica opće i specijalizovane namjene, štabova i povjerenika civilne zaštite, obučavanje i osposobljavanje putem seminara u organizaciji Kantonalne i Federalne uprave civilne zaštite za lica u Službi civilne zaštite Općine, provođenje mjera zaštite i spašavanja ljudi i materijalnih dobara u skladu sa Zakonom, a koji su u nadležnosti Općine, izrada i dostavljanje izvještaja i informacija Općinskom vijeću i općinskom načelniku, te pretpostavljenoj Kantonalnoj i Federalnoj upravi civilne zaštite, pružanje pomoći u radu specijalizovanih društvenih udruženja (vatrogasci, radio amateri, izviđači, planinari i Crveni križ), priprema i izrada planskih i općih dokumenata za Općinski štab civilne zaštite za 2009. godinu, informisanje javnosti o akcijama i postignutim rezultatima iz djelokruga rada

Pored ovih aktivnosti urađeno je i sljedeće:

Redovan obilazak radilišta deminiranja, izrada letaka upozorenja u pogledu protiv požarne zaštite, sastanci sa Mjesnim zajednicama u vezi postavljanja hidranata, popunjavanje upitnika za naseljena mjesta za potrebe deminiranja, izrada tenderske dokumentacije za kupovinu opreme za vatrogasce, snabdijevanje vodom stanovništva koji su pogođeni sušom, terenski rad na obilasku klizišta kao i gostovanje u sredstvima informisanja. Redovna aktivnost Općinskog štaba civilne zaštite podrazumijeva komunikacije i saradnju sa Općinskim organima uprave, privrednim i drugim strukturama na općini, te udovoljavanje zahtjevima pretpostavljenih institucija kao i saradnju sa potčinjenim subjektima u sistemu civilne zaštite.

6. KABINET OPĆINSKOG NAČELNIKA

U toku 2009. godine iz oblasti radno pravnih odnosa riješeno je 325 vanupravnih predmeta, i 63 predmeta u drugostepenom postupku.

U toku 2009. godine u općinskom organu uprave Općine Zavidovići bilo je zaposleno 122 uposlenika.

U toku 2009. godine primljeno je dvanaest volontera, koji se osposobljavaju za polaganje stručnog ispita za rad u državnim organima.

U toku 2009. godine, deset uposlenika – namještenika zasnovali su radni odnos u organima uprave Zavidovići.

- 226 -

U toku 2009.godine vršena je saradnja sa Agencijom za državnu službu u dostavljanju podataka i informacija, kao i sa ostalim institucijama koji imaju nadležnost u okviru radno pravnih odnosa.

U periodu od 01.01.2009.godine do 31.12.2009.godine zaprimljeno je 2130 predmeta, koji su riješeni.

U istom periodu kod Općinskog načelnika zaprimljeno je 300 zahtjeva za prijem stranaka, a pored stranaka koje su imale pismene zahtjeve, vršen je prijem stranaka i bez zahtjeva (oko 100 stranaka). Pored stranaka vršen je prijem predstavnika udruženja građana, preduzeća, predstavnika mjesnih zajednica.

U toku navedene godine od 01.01.2009.godine do 31.12.2009.godine rađeni su poslovi na pripremi donošenja rješenja iz radnog pravnog odnosa.

Izdato je ukupno 590 radnih knjižica, od toga 27 duplikata. U periodu od 01.01.2009.godine do 31.12.2009.godine podnešeno i riješeno zahtjeva za izdavanje radne knjižice sa evidencije trajno čuvanih dokumenata, zahtjeva za promjenu prezimena, ispravku greške u pisanju i računanju u radnim knjižicama građana, upis novih zanimanja u postojeće radne knjižice. Takvih zahtjeva evidentirano je za 2009.godinu ukupno 471, isti su riješeni i arhivirani kod organa.

Osim navedenih poslova radilo se na izdavanju zdravstvenih knjižica, prijavljivanju na penziono osiguranje, zdravstveno osiguranje službenika općinskih organa odnosno registraciji organa kod službe za statistiku i PIO, odjavljivanju sa osiguranja po prestanku radnog odnosa. Takođe je rađeno na ažuriranju postojeće evidencije odnosno održavanju personalne evidencije, formiranju i vođenju dosijea službenika i utvrđivanju istih, odnosno unošenje podataka i promjena za sve službenike od zasnivanja radnog odnosa, raspoređivanja odnosno kretanja u službi do prestanka radnog odnosa. Pored kompjuterske obrade podataka o službenicima vodi se matična knjiga uposlenih.

U toku 2009.godine Općinsko vijeće Zavidovići je održalo 14 sjednica, od kojih 11 redovnih, jedna vandredna, dvije tematske i tri svečane sjednice Općinskog vijeća.

Programom rada Općinskog vijeća Zavidovići za 2009.godinu planirano je razmatranje 59 materijala, a Općinsko vijeće Zavidovići razmatralo je 200 tačaka dnevnog reda, što je više za 141 materijal. Općinsko vijeće Zavidovići na 19. sjednici održanoj dana 27.02.2010. godine je razmatralo i usvijilo Izvještaj o realizaciji Programa rada Općinskog vijeća Zavidovići i stalnih radnih tijela Općinskog vijeća Zavidovići za 2009. godinu.

U toku 2009.godine izdato je 11 brojeva „Službenog glasnika općine Zavidovići“ i Registar objavljenih propisa i akata za 2009.godinu.

U toku izvještajnog perioda Kolegij načelnika je održao 24 sjednica sa 215 tačaka dnevnog reda.

OPĆINSKI NAČELNIK

(M.P.)

Hakija Osmić, dipl.ecc., s.r.